



Broj: 01-89/23
Vareš, 30.03. 2023. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 22. Statuta Općine Vareš – Prečišćeni tekst, broj: 01-162/12 od 11.09.2012. godine, Općinsko vijeće Vareš na 24. sjednici održanoj 30.03. 2023. godine, d o n o s i

ODLUKU

o izmjenama Odluke o utvrđivanju visine naknade članovima organa upravljanja javnih preduzeća čiji je osnivač Općina Vareš

Član 1.

U Odluci o utvrđivanju visine naknade članovima organa upravljanja javnih preduzeća čiji je osnivač Općina Vareš, broj: 01/101/14 od 31.03. 2014. godine i broj: 01-269/17 od 28.12. 2017. godine član 3. mijenja se i glasi:

„Visine naknada predsjednika i članova Skupštine Javnog preduzeća iznosi:

1. Za predsjednika Skupštine 200,00 KM za prisustvovanje po održanoj sjednici,
2. Za člana Skupštine 150,00 KM za prisustvovanje po održanoj sjednici.

Visina naknada za predsjednike i članove Nadzornog odbora Javnih preduzeća iznosi:

1. Za predsjednika 300,00 KM za prisustvovanje po održanoj sjednici,
2. Za člana 250,00 KM za prisustvovanje po održanoj sjednici.“

Član 2.

Član 4. briše se.

Član 3.

U članu 6. iza riječi „snagu“ stavlja se tačka, a ostale riječi brišu se.

Član 4.

Ovlašćuje se Komisija za statutarna pitanja i propise da utvrdi prečišćeni tekst ove Odluke.

Član 5.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka je objavljena na oglasnoj tabli Općine Vareš 31.03. 2023. godine.

OPĆINSKI NAČELNIK

Zdravko Marošević

OBRAZLOŽENJE

PRAVNI OSNOV

Sadržan je u članu 8. i 13. Zakona o principima lokalne samouprave, kojim je određena nadležnost jedinica lokalne samouprave za rješavanje pitanja od lokalnog značaja, kao i nadležnosti Vijeća a članom 22. Statuta Općine Vareš, utvrđena je nadležnost Općinskog vijeća u donošenju Odluka i drugih propisa.

RAZLOZI ZA DONOŠENJE

Postupajući po Zaključku Općinskog vijeća Vareš sa 23. sjednice koja je održana 28.02. 2023. godine, gdje Vijeće zahtjeva povećanje visine naknada u organima upravljanja Javni preduzeća kojima je Osnivač općina Vareš, imajući u vidu da naknade za članove Javnih preduzeća nisu povećavane duži period ili su utvrđene do određenog iznosa potrebno je tačno fiksirati iznos naknade, a došlo je povećanja inflacije i s obzirom na nezainteresovanost građana da se prijavljuju na Javne pozive. S tim u vezi, ukazuje se potreba da se ovo pitanje riješi povećanjem naknada u Javnim preduzećima.

Rad i funkcionisanje Zakonom utvrđenih organa u Javnim preduzećima je obaveza a izbor i imenovanje zavise i od stimulativnih mjera odnosno utvrđivanja naknada za rad i angažman.

U tom pravcu predviđene su selektivne naknade, te predlažem Vijeću da Odluku u predloženom tekstu usvoji.

FINANSIJSKA SREDSTVA

Za realizaciju ove Odluke potrebna su finansijska sredstva, koje će Javna preduzeća utvrditi u svom godišnjem planu rada, na čiji teret i pada isplata naknada.

OPĆINSKI NAČELNIK

Zdravko Marošević